

**INSTRUCCIÓN 2/2016, do 19 de xaneiro, da Secretaría Xeral de Universidades para iniciar o procedemento de control sobre a execución das axudas de apoio á etapa predoutoral do Plan I2C do ano 2012.**

A Orde do 18 de xullo de 2012 (DOG núm. 140, do 23 de xullo de 2012) pola que se establecen as bases para a concesión, en réxime de concorrencia competitiva, das axudas de apoio á etapa predoutoral para o ano 2012 do Plan I2C, modificada parcialmente pola Orde do 31 de outubro de 2012 (DOG núm. 213, do 8 de novembro), recolle no artigo 14 que a Consellería de Cultura, Educación e Ordenación Universitaria poderá solicitar un informe ás universidades beneficiarias sobre a execución das axudas e, en particular, sobre as persoas contratadas, a lectura da súa tese de doutoramento ou a explicación do motivo de non a ter lido, e a situación actual das persoas que foron contratadas.

Segundo a norma, o dito informe poderá solicitarse nos dous anos seguintes á data límite de xustificación da última anualidade, coa finalidade de comprobar o impacto das axudas concedidas. A este respecto cómpre ter en conta que a data establecida para a última xustificación era o 20 de decembro de 2015.

De acordo co Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria, correspondelle á Secretaría Xeral de Universidades contribuir á ordenación e complementariedade das capacidades investigadoras do Sistema universitario de Galicia, seguindo criterios de excelencia e consolidación no ámbito dos obxectivos que estableza o Plan galego de investigación, desenvolvemento e innovación tecnolóxica.

En consecuencia, en uso das competencias que teño atribuidas como secretario xeral de Universidades, dito a seguinte instrución:

1. Solicitar das universidades beneficiarias o informe sinalado no artigo 14 da Orde do 18 de xullo de 2012 pola que se establecen as bases para a concesión, en réxime de concorrencia competitiva, das axudas de apoio á etapa predoutoral para o ano 2012. Os datos contidos neste informe son de relevancia para comprobar o impacto das axudas.

2. Para a elaboración deste informe deberán terse en conta os seguintes aspectos:

2.1.- Deberán incluirse todas as persoas que foron contratadas con cargo a estas axudas, con independencia do tempo de duración do contrato.

2.2.- Para cada unha delas recolleranse os seguintes datos:

Elementos básicos de identificación da persoa contratada.

Data de inicio do contrato.

Data de remate do contrato

Situacións de baixa temporal (se as houbese)

Data de lectura da tese, denominación oficial e cualificación obtida.

No caso de non ter lido a tese no período, explicación razonada e detallada das causas que imposibilitaron a lectura. Esta explicación deberá estar asinada pola persoa contratada e contar con visto e prace da Comisión Académica do programa de doutoramento correspondente.

Estadias de investigación realizadas durante o contrato. Indicaranse as datas de inicio e fin e o centro ou centros de destino.

Situación actual da persoa contratada en termos de emprego, indicando tamén se continua ou non realizando actividades de investigación.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA
Secretaría Xeral de Universidades

Edificio Administrativo San Caetano, s/n
15781 Santiago de Compostela
www.edu.xunta.es

galicia

3. O prazo para a presentación deste informe será, con carácter xeral, ata o 30 de abril de 2016 co obxecto de que as universidades dispoñan da marxe de tempo necesaria para preparar toda a información. En casos de especial dificultade esta data poderá diferirse previa solicitude da universidade interesada para os supostos particulares que así o aconsellen por especiais dificultades na recollida dos datos.

Santiago de Compostela, 19 de xaneiro de 2016

O secretario xeral de Universidades


Jose Alberto Díez de Castro